

**LAPORAN PEGAWAI BERTUGAS HARIAN  
SIDANG DEWAN NEGARA  
JABATAN PERKHIDMATAN AWAM**

Tarikh : 30 Jun 2014 (Isnin)

Nama Pegawai Bertugas : (i) Encik Mohd Redza Nizam Bin Radzuan  
Penolong Pengarah (Gred M44)  
Bahagian Pembangunan Modal Insan

(ii) Puan Wan Noorsarabila Binti Wan Zaizodin  
Penolong Pengarah (Gred M44)  
Bahagian Khidmat Pengurusan

Jabatan : **Jabatan Perkhidmatan Awam Malaysia**

No. Telefon : 03-8885 3861 / 3637

**Perkara-Perkara yang Dilaporkan:**

**A. Sesi Pertanyaan Lisan**

(10.00 pagi hingga 11.30 pagi)

1. Pertanyaan lisan yang dijawab

- a) Jumlah pertanyaan dalam Aturan Urusan Mesyuarat. **118**
- b) Jumlah pertanyaan JPM/JPA dalam Aturan Urusan Mesyuarat.
- |            |           |            |          |           |
|------------|-----------|------------|----------|-----------|
| <b>JPM</b> | <b>22</b> | <b>JPA</b> | <b>0</b> | <b>22</b> |
|------------|-----------|------------|----------|-----------|
- c) Jumlah pertanyaan yang sempat dijawab di dalam Dewan. **8**
- d) Jumlah pertanyaan JPM/JPA yang sempat dijawab di dalam Dewan ini. **2**

Jabatan	Nombor Soalan Yang Dijawab				
	5	6			
JPM					
JPA					

2. Janji (commitment) Y. B. Menteri/Timbalan Menteri/Setiausaha  
Parlimen semasa menjawab

Soalan No. 5 (PN-1322-L19682):

**Datuk Seri Syed Ibrahim bin Kader** meminta **PERDANA MENTERI** menyatakan sebelum ini pernah ada cadangan untuk mendaftarkan warganegara Malaysia yang telah mencapai umur 21 tahun sebagai pengundi secara automatik. Adakah Kerajaan bercadang untuk melaksanakan perkara ini. Apakah pendirian Kerajaan berhubung dengan perkara ini.

Jawapan:

**Y.B. Dato' Seri Dr. Shahidan Bin Kassim**

Cadangan untuk menjadikan pendaftaran pemilik secara automatik adalah bertentangan dengan peruntukan di bawah perlembagaan persekutuan pada masa sekarang. Sekiranya cadangan tersebut hendak dilaksanakan, ia memerlukan kajian lanjut yang mendalam sebelum sebarang pindaan dibuat. Walau bagaimanapun, sehingga kajian lanjut dijalankan, Kerajaan belum bercadang untuk melaksanakan pendaftaran pengundi secara automatik.

Soalan Tambahan:

Apakah pandangan dan tindakan Kerajaan terhadap perkara yang membabitkan terdapat lebih daripada 3 juta orang yang telah mencapai umur 21 tahun tetapi tidak mendaftar sebagai pengundi walaupun telah banyak kaunter-kaunter pendaftaran dibuka.

Jawapan:

Pendaftaran secara automatik akan mendatangkan masalah terhadap pemilih. Hal ini kerana apabila mereka hendak mengundi, kebiasaannya mereka akan memilih untuk mengundi di tempat

yang mereka mahu. Tempat mengundi yang dipilih juga tidak selalunya sama dengan alamat yang tertera di kad pengenalan diri. Maka pendaftaran secara automatik akan mendatangkan masalah tempat mengundi yang mungkin tidak akan dipersetujui oleh pemilih. Seperti yang telah diberitahu, perlembagaan juga tidak membenarkan pelaksanaan pendaftaran secara automatik.

Soalan No. 6 (PN-1322-L19825):

**Datuk Seri Nalla K. S.** meminta **PERDANA MENTERI** menyatakan sejak Yayasan IM4U ditubuhkan pada Julai 2012 dengan dana yang banyak, apakah pencapaian yang telah terlaksana dan dicapai selari dengan Gagasan 1Malaysia dan ke manakah dana-dana tersebut disalurkan.

Jawapan:

Kerajaan menyedari bahawa belia merupakan golongan utama yang akan memacu dan mencorakkan pembangunan dan hala tuju negara pada masa hadapan. Sehubungan dengan itu Kerajaan menerusi pendekatan *blue ocean strategy* mengambil daya usaha mewujudkan platform bagi belia menyalurkan tenaga dan pengetahuan serta mengetengahkan kreativiti mereka melalui aktiviti kesukarelawanan, menerusi penubuhan sebuah syarikat, menurut jaminan yang dikenalkan sebagai IM4U. Penubuhan IM4U telah melibatkan golongan belia dari pelbagai kaum dalam aktiviti-aktiviti sukarelawan yang bersifat kenegaraan serta menjadi tempat mereka mengetengahkan inovasi dan kreativiti mereka menerusi perancangan dan penglibatan dalam program dan aktiviti yang menguntungkan negara. Ini adalah selari dengan fungsi gagasan 1Malaysia yang berpaksikan prinsip Rakyat Didahulukan Pencapaian Diutamakan. Daripada tahun 2012 hingga Mei 2014, IM4U telah meluluskan sekurang-kurangnya 1400 permohonan

kepada belia di negara ini untuk menjalani program sukarelawan melalui dana 1Malaysia. Ini tidak termasuk kira-kira seribu lebih aktiviti sukarelawan yang diterajui sendiri oleh IM4U. Sehingga kini, IM4U telah membelanjakan sebanyak RM34juta bagi membiayai program kesukarelawanan dan kos operasi IM4U. IM4U adalah sebuah organisasi yang ditubuhkan oleh Kerajaan untuk menggerakkan aktiviti kesukarelawan di kalangan belia di negara ini.

Soalan Tambahan 1:

Berapa peratus penglibatan belia-belia India di dalam program-program IM4U?

Jawapan:

Penglibatan IM4U tidak diambil mengikut kaum tetapi mengikut inisiatif dan daya usaha belia itu sendiri. Kelulusan permohonan program-program yang akan dilaksanakan juga mengutamakan program yang bersifat membina negara yang melibatkan penyatuan semua kaum.

Soalan Tambahan 2:

Berapa banyakkah peruntukan IM4U untuk belia yang terdapat di luar negara?

Jawapan:

Peruntukan akan diberikan sekiranya mereka ada membuat permohonan. Pemberian peruntukan IM4U tidak mengira jenis bangsa dan kaum. Semua pihak boleh memohon untuk program-program yang bersifat membina negara.

## **B. Sesi Perbahasan/Pembentangan Usul**

### **1. 11.30 pagi hingga 1.00 tengah hari / 2.30 petang hingga 4.10petang**

(D.R. 24/2013) Rang Undang-undang Pencegahan Pengubahan Wang Haram dan Pencegahan Pembiayaan Keganasan (Pindaan) 2013- Menyambung semula Perbahasan atas masalah “Bahawa Rang Undang-undang ini dibacakan kali yang kedua sekarang”.  
(26 Jun 2014)

[Menteri Kewangan]

Usul diluluskan dan tiada apa-apa soalan yang ditujukan kepada Jabatan Perkhidmatan Awam (JPA).

### **2. 4.10 petang hingga 7.00 petang/sidang ditangguhkan**

(D.R. 4/2014) Rang Undang-undang Institusi Pendidikan Tinggi Swasta (Pindaan) 2014.

[Menteri Pendidikan]

Sehingga persidangan ditangguhkan, usul belum diluluskan dan tiada apa-apa soalan yang ditujukan kepada Jabatan Perkhidmatan Awam (JPA).

### **Penangguhan Mesyuarat**

Mesyuarat ditangguhkan pada jam 7.00 malam.


Disediakan oleh:

()

**Nama: Mohd Redza Nizam Bin Radzuan**

**PP(I)O2**

Bahagian Pembangunan Modal Insan

()

**Nama: Wan Noorsarabila Binti Wan Zaizodin**

**PP(U)TK**

Bahagian Khidmat Pengurusan

Catatan:

1. Sila nyatakan nama Ahli Yang Berhormat dan kawasan yang diwakilii.
2. Catitkan juga tohmahan terhadap kerajaan di bawah tanggungjawab Jabatan Perdana Menteri
3. Sekiranya pada hari tersebut, tiada isu berkaitan dengan JPA, maka sila catatkan ringkasan isu-isu lain yang telah dibangkitkan.